

VERBÂL DE JURIE

Vuê, ai 19 di Setembar dal 2017, a lis siet e mieze sore sere, si è dade dongje ta la Biblioteche Civiche di Codroip la jurie dal premi letterari in lenghe furlane “San Simon” 2017, dedeât a Agnul di Spere.

A son presints i siôrs Tiziana Cividini, assessore a la culture e presidente onorarie, Daniela De Prato, Carlo Tolazzi e Walter Tomada. Al fâs di president Carlo Tolazzi, nomenât de jurie. Al fâs di segretari il siôr Giorgio De Tina.

A àn partecipât al Premi 8 (vot) concorints, pa la sezion racuelte di contis.

Dopo vè scrutinât lis oparis rivadis dongje e resonât sul lôr valôr cualitativ, la jurie e à decidût a la unanimitât di

ASSEGNA

il premi di narrative in lenghe furlane “San Simon” 2017, 38^e edizion, a la opare *Contis sot spirt* cun cheste motivazion:

«Une racuelle di contis organiche e coerente che e plate, sot une vieste narrative romanzade la ativitât di une desene di personaçs de storie e de culture nostrane. La vore e pant une imagjinazion ferbinte che e rive a scjassâ vie il pulvin de etât che e sta intor a chestis figuris e a considerâ il lôr valôr di une prospetive cetant origjinâl, visionarie e si pues di anarchiche. La scriture e jè frescje e incese, si compagne ben cui sbrendui di poesiis di Federico Tavan che l'autôr al dopre par introdusi lis narazions, e l'aparât finâl di spiegazions e di riferiments al zonte plui cuince al savôr che al involuce il letôr a ogni conte».

Viertis lis bustis cui titui da lis voris, al risulte che la opare vincidore e je stade scrite di Raffaele Serafini

La jurie e propon di pubblicâ la opare vincidore.

La jurie e riten ancje, ae unanimitât, di

SEGNALÂ

la opare: *Cres un tei in chist vâl*, de siore Maria Moreale.

La riunion de jurie si siere a lis nûf e mieze di sere.